

Johnny Fingal ganador di logo "Aruba 500 año"

ORANJESTAD(AAN): -- Aruba Tourism Authority (ATA) a elegi Diahuebs ultimo, ganadornan di e concurso "Logo y Lema, Aruba 500 año".

Ganador di e mihor lema tabata Daniel Aguirre, ganador di e mihor logo tabata Johnny Fingal.

E lema ganador ta "Tradicion cu Vision", e logo ganador por mira hunto cu e articulo aki.

Finalistanan tabata Amelia Broca (lema) y Glenda Koolman, Tamara Waldron, Alvin Profet y Amelia Aguirre (logo).

Reconocimiento honorable a bay pa Hairo Croes, kende a haya un beca pa studia pintura na Aruba.

Durante un rato ameno na Bushiri Beach Resort, ATA a premia e ganadornan.

E logo y lema escogi lo wordo usa den e material cu ATA lo usa pa propaganda 500 año di "descubrimiento" di Aruba pa e Spaño Alonso de Ojeda.

Alonso de Ojeda a descubri Aruba di leu, ora el a pasa riba lama den su vecindario.

Ningun momento el a pone pia riba Aruba, manera ATA ta bisa den su comunicado di prensa.

(Halo, ATA. Nos historia ta "good enough" riba su mes, no tin nodo di troce pa hacie luci mihor den mercadeo. Danki).

Historia di descubrimiento di

Aruba pa e Spañonan ta masha interesante.

Segun Enciclopedia di Antiyas Hulandes, Alonso de Ojeda a descubri Bonaire, Curacao y probablemente Aruba na fin di 1499.

Na Mei di e año ey, Alonso de Ojeda a sali for di Santa Maria, España, cu un escuadron chikito di tres pa cuatro boto.

Piloto di e escuadron tabata Amerigo Vespucci.

Abordo Alonso de Ojeda tabata tin e cartografo Juan de la Cosa, kende ta e persona cu a traha e prome mapa di Caribe, y Bartolome Roldan, kende a acompaña Colombus riba su di tres trip pa e parti aki di mundo y tabata conoci cu e region di Caribe.

E Spañonan a baha na Curacao unda nan a contra cu un pueblo di Indjan cu oro den oreo y nanishi.

Ta e Spañonan aki a bin cu e number "Islas de los gigantes" debi na e tamaño di e hendenan cu nan a topa.

Despues di Curacao, e escuadron Spaño a nabega banda di costa Venezolano te na altura di Golfo di Maracaibo.

Djei a cruza pa Santo Domingo, unda e botonan a yega na September di 1499.

A base di e mapa cu Alonso de Ojeda a schets durante e viahe aki, Juan de la Cosa a traha su mapa di Caribe.

Den un descripcion di e logo

cu el a pinta, señor Fingal ta splica tocante e idea tras di su diseño.

E logo ta un circulo parti den tres segmento di diferente tamaño.

E segmento na man robez ta e marca di un stempel di klei di mas o menos mil año bieu cu Indjannan di Aruba tabata usa pa dorna nan curpa cu verf.

E parti aki ta esun di mas grandi como cu e historia di Aruba prome cu e yegada di Alonso de Ojeda, ta mucho mas grandi cu e historia despues di su yegada.

E segmento na man drechi ta un abanico Spaño den color preto cu rosa cora pinta riba dje.


E ta simboliza e cultura di afo cu a yega na año 1499 y a surpasa y a domina e cultura Indjan.

E segmento di mas chikito ta blanco y ta simboliza futuro di Aruba cu ta desconoci ainda.

Descubrimiento di Aruba ta bay te 4000 año pasa, asina señor Fingal ta bisa.

Ta desde e tempo ey, tribonan di Indjan ta biba aki, aunque ken a realmente descubri Aruba, no ta conoci.

Ta sigur sinembargo, cu



aruba
1499-1999

"Tradition with Vision"

tabata tin hende biba na Aruba 2000 año prome cu Cristo ya cu pa medio di excavacionnan na salina di Malmok por a determina cu e cadavernan ta data di e tempo ey.

Ta conoci cu Aruba tabata pobla pa Indjan durante dos periodo.

Den e prome periodo, e hendenan no tabata sa ainda

con pa traha artefactonan di klei, den e di dos, si.

Tempo di e Spañonan, Indjannan di e tribo Caquetio tabata biba na Aruba.

Nan tabata traha artefactonan di klei y tabata papia un lenga cu tabata pertenece na e grupo di idioma Arowak.

Hunto cu e articulo, e logo y e lema.

PARTICIPACION

01045700. wpd

E cobransa di awa di

April 1998

mester ta paga prome cu dia

12 di juni 1998

SI NO PAGA E COBRANSA NA TEMPO TA DESCONECTA E METER DI AWA.

Pa reconecta e meter e cliente mester:

- * Presenta un identificacion legal
- * Presenta un cobransa di awa
- * Paga tur cuenta atrasa
- * Firma un peticion na loket y
- * Paga **Afl. 15,00** na W.E.B. Aruba N.V.

W.E.B. ARUBA N.V. no ta garantisa cu por reconecta e meter riba e mesun dia cu haci e pago di cuenta atrasa.



Score bo tambe cu e productonan di Shell
cumprando pa unicamente **Afl. 25.-** e Bala
Oficial di Francia 1998 !!!

E Bala di e marca Wilson ta obtenibel na tur
Shell Station pa unicamente **Afl. 25.-**

Na momento di tuma
Afl. 25.- na gasolin of 4
quarter di azeta Shell.
Tanten cu tin den stock

Goal!!

Shell

BARLOCK CARIBBEAN OIL CORPORATION N.V. DISTRIBUTOR